

**FAKATOKANGA 'OE NGAahi TOTONGI FAKAAKO
KI HE NGAahi FAMILI 'A E FANAU KALASI KINITAKATENI KI HE KALASI ONO**

(KAPAU 'OKU KE FIEMA'U TOKONI 'I HONO FAKAMAHINO'I 'OE TOHI NI PEA KE TA KI HE-----)

'Oku tapu 'i he lao (konisitutone) 'o Utah 'a e 'eke totongi 'oe ngaahi me'a fakaako 'i he ngaahi ako lautohi si'i. Ko ia kapau 'oku 'i he kalasi kinitakateni ki he kalasi ono ho'o tamasi'i, 'oku 'ikai totonu ke ke totongi e ngaahi tohi, ngaahi naunau fakaako, 'u me'a alea fakamusika, 'eva ki he ngaahi feitu'u, ngaahi fakataha moe fanga ki'i sapa (kehe mei he kai ho'ata 'i he 'apiako), pe ko ha toe me'a 'oku faka'aonga'i 'i he lolotonga 'oe ako.

Kapau 'oku ke loto ke ke totongi 'a e ngaahi ta fakakalasi, tohi ako fakata'u, pe ko ha ngaahi me'a kehe pehe, ko e me'a pe ia 'a'au, ka ko e ngaahi me'a ni 'oku 'ikai lau nautolu 'i he ngaahi totongi fakaako 'oku fakamatala'i atu hen. Hange ko eni, kapau 'e maumau'i 'e ho'o tamasi'i 'a e ngaahi tohi pe naunau 'a e ako, kuopau ke totongi eni he 'oku 'ikai kau eni he ngaahi totongi fakaako pea he'ikai te ke lava 'o kalo mei ai.

'Oku fakangofua 'e he lao ke fakatau atu 'e he ako 'a e hu'akau pe me'akai 'i he kai ho'ata. Kapau 'oku 'ikai ke ke lava 'o totongi e me'akai ho'o fanau, te nau lava pe ke kai ta'e totongi pe 'e totongi si'isi'i pe. Te ke ma'u 'a e ngaahi fakamatala fekau'aki moe ngaahi foomu ke ke fakafonu ke lava ho'o fanau 'o kai ta'e totongi pe 'e holo hifo e totongi 'enau kai mei ho'o ako. Ko e ngaahi fakamatala kotoa te ke 'omai 'i ho'o foomu he'ikai ke toe 'ilo kiai ha taha.

'Oku tapu 'i he lao 'a e pule'anga moe ngaahi tu'utu'uni 'a e Poate 'oe Potungaue Ako ke totongi 'ehe kakai ha me'a 'oku fai lolotonga 'a e ako. Ko e ngaahi polokalama pe 'oku fai ki mu'a pe ki mui pe 'i he tutuku 'a e ako 'oku ngofua ke 'eke totongi ai. Kapau 'oku 'i lalo 'a e pa'anga 'a ho'famili 'i he tu'unga kuo fokotu'u 'e he pule'anga pea 'oku kai ta'e totongi 'a ho'o tamasi'i 'i he 'apiako pe 'oku ma'u ha'ane pa'anga fakamahina mei he pule'anga, pe 'oku ke ma'u me'akai ta'e totongi mei he pule'anga pe 'oku ke tauhi fakapule'anga ha tamasi'i, kuo pau ke 'oua na'a 'ai 'e he ako ke ke totongi e ngaahi me'a fakaako. 'E mei fiema'u 'e he kau pule 'oe akoke hanga 'e ho famili 'o fakafonu e foomu ko e Statewide Fee Waiver Assets Questionnaire 'o tatau ai pe pe 'oku ke kau 'i he kakai 'oku nau fe'unga ke ta'e totongi 'enau fanau. Ko e ngaahi fakamatala 'e ma'u mei he foomu ni 'e makatu'unga ai 'emau fakafuofua pe 'oku totonu ke totongi 'e ho'o tamasi'i 'a e ngaahi me'a fakaako. Kapau 'oku 'i ai ha'o faingata'a ia fakapa'anga hange ko e mole 'a e ngaue, puke lahi, pe ko ha ngaahi 'uhinga kehe 'o matu'utamaki ai ho'o fanau, te ke lava pe 'o ma'u 'a e faingamalie ke ta'e totongi ho'o fanau. Kapau 'oku fakangofua 'e he poate 'oe ako 'a ho'o ako ke fekau ke ke totongi 'a e ngaahi me'a fakaako, 'oku 'i ai 'a e foomu Kole Ke 'Oua 'e Totongi e Ngaahi Me'a Fakaako te ke lava 'o fakafonu koe'ubi ke 'oua te ke totongi. Ko e foomu 'e taha mei he pule'anga (Statewide Fee Waiver Assets Questionnaire) 'oku 'oatu fakataha moe tohi ni. Kapau teke 'eke ki he ako 'e lava ke 'oatu ai moe ngaahi fakamatala makehe mei he ngaahi me'a 'oku 'oatu hen.

'Oku 'ikai lahi 'a e pa'anga 'a e ako pea 'e mei fiema'u ha'o ngaahi tokoni. Koia ai 'e mei kole atu 'e he ako ke ke tokoni 'i he fakatau 'oe ngaahi naunau fakaako pe ko ha'o tokoni fakapa'anga. Ka 'oku 'ikai totonu ke fakamalohi'i 'e he ako 'a e kakai ke fai 'a e ngaahi tokoni ko 'eni. 'Oku 'ikai foki totonu ke hanga 'e he ako 'o 'ai ke 'ilo 'e ha taha 'a e hingoa 'oe kakai 'oku nau tokoni pe ta'e tokoni ki he ako. Taimi 'e ni'ih'i 'e fakalangilangi'i 'e he ako 'a kinautolu 'oku nau fai ha ngaahi tokoni fakapa'anga lahi 'aupito. He'ikai tautea'i ha fanau 'oku 'ikai ke nau tokoni fakapa'anga. Hange ko eni, kapau 'oku 'alu 'a e kalasi 'o 'eva ki ha feitu'u pea totongi pe ni'ih'i kae ta'e totongi ha ni'ih'i, kuopau ke 'alu 'a e tamasi'i kotoa, tatau ai pe pe na'a nau totongi ha pa'anga pe 'ikai.

Kapau 'oku 'i ai ha'o ngaahi fehu'i, pea ke 'uluaki talanoa ki ho'o ako pe ko e fakafofonga vahenga ako 'oku ha atu 'i lalo ni. Kapau 'oku ke kei fiema'u tokoni ai pe pea ke fetu'utaki ki ha taha 'oe ngaahi kautaha ni:

Fika telefoni 'oe ako: _____

'Eke ke ke talanoa mo: _____

Fika telefoni 'oe vahenga aka: _____

'Eke ke ke talanoa mo: _____

Utah Legal Services, Inc.
254 West 400 South, 2nd Floor
Salt Lake City, Utah 84101
328-8891 (Feitu'u Salt Lake)
1-800-662-4245 (ngaahi feitu'u kehe)

Utah Issues Information Program, Inc.

330 West 500 South
Salt Lake City, Utah 84101
521-2035 (Feitu'u Salt Lake)
1-800-331-5627 (ngaahi feitu'u kehe)

Utah State Office of Education

250 East 500 South
Salt Lake City, Utah 84111
538-7830